

ՀԱՅԱՍՏԱՆԻ ՊԱՏՄՈՒԹՅԱՆ ՆՈՐԱՀԱՅՏ
«ԺԱՄԱՆԱԿԱԳՐՈՒԹՅՈՒՆ»

Հայաստանի պատմության ուսումնասիրման սկզբնաղբյուրների շարքում կարևոր տեղ են գրավում XIII—XVIII դարերի մանր ժամանակագրությունները¹։ XVIII դարի երկրորդ կեսին աստիճանաբար մեծանում է վավերագրական սկզբնաղբյուրների քանակը, ավելանում են տպագիր հրատարակությունները և համապատասխանաբար նվազում ժամանակագրությունների կազմումը։ XVIII դարում կազմված ժամանակագրությունների մեջ հետզհետե նկատվում է տեղայնացման միտում և նրանց մեջ ներկայացվում են գլխավորապես որոշակի գավառների կամ նահանգների իրադարձությունները միայն։ Վերջիններս վստահելի ու հաճախ եզակի վկայություններ են պարունակում և, ըստ այդմ, պատմական սկզբնաղբյուրների շարքում ձեռք են բերում ուրույն արժեք։ Նման բնագրերից է տեր Հարությունի կազմած տարեգրություն-ժամանակագրությունը, որը պահպանվել է ինքնագրով, սակայն մնացել անտիպ և աննկատ։ Այնտեղ արձանագրված են XVIII դարի վերջին քառորդի և XIX դարի առաջին տասնամյակին Ռարձր Հայքում տեղի ունեցած իրադարձությունները։ Ժամանակագրության հեղինակը ապրել է էրզրումում և իրադարձությունների ականատես ժամանակակիցն է։ Տեր Հարությունի մասին որոշ տեղեկություններ արձանագրված են իր իսկ կազմած ժամանակագրության մեջ։ Մենդե-յան թվականը հայտնի չէ, սակայն հաղորդվում է, որ որդին էր կոշկակար Մանասի (մահ. 1779 թ. փետր. 8-ին), ամուսնացել էր 1779 թ. սեպտեմբերի 20-ին և օրհնվել 1784 թ. մարտի 2-ին Պետրոս վարդապետ Բերդույանի «ձեռամբ»։ 1786 թ. նա ունեցել է երկվորյակ որդիներ, 1795 և 1796 թթ. ուխտի է գնացել Ս. Կարապետ, 1798—1799 թթ. ուխտագնացությամբ այցելել է Երուսաղեմ, 1805 թ. մայիսի 29-ին եղել է խանդակ փորելու գնացած ժողովրդի մեջ, 1806 թ. պսակել է իր Սարգիս անունով որդուն, 1807 թ. եղել է Դանիել կաթողիկոսի՝ պոպսահայ համայնքին և սուլթանական արքունիք ուղարկված խնդրագրի կնքողներից մեկը։ 1807 թ. դեկտեմբերի 1-ին նոր տուն, վճարելով 1300 դուռուշ, 1807 թ. ունեցել է ևս մեկ արուստի, որին անվանակոչել են Գևորգ։ Ժամանակագրությունը ընդհատվում է 1810 թ. դեպքերի հիշատակումով, որից կարելի է եզրահանել, թե այնուհետև նա այլևս կենդանի չէր։ 1821 թ. գրանցումները կատարված են որդու՝ Սարգիսի կողմից, որից հայտնի է դառնում, թե Կարինի Կաթուղի արքեպիսկոպոսի կողմից նա ևս ձեռնադրվել է քահանայ։

Ժամանակագրության մեջ արձանագրված են թուրքական փաշաների միջև ընթացող անհաշտ պայքարի բազմաթիվ դրվագներ, ստորին խավերի իրավական ու տնտեսական դրությունը պատկերող վկայություններ, հայ ժողովրդի կրած դավաճանական ու էթնիկական հալածանքների մասին փաստեր ու նկարագրություններ, նահանգի գյուղական վայրերի ազգային կազմի մասին վկայող փաստեր, հայ բնակչության առանձին հոծ գոյության և նահանգի շրջանակներում նրանց ունեցած դիրքի ու դերի մասին ակնարկներ, Դավիթ-Դանելյան պայքարի, ռուս-թուրքական 1806 թ. սկսված պատերազմի ընթացքի մասին հետաքրքիր մանրամասներ, բնական աղետների, սովի ու սղության մասին հաղորդումներ և այլն։ Ուշագրավ է 1798 թ. գարնանը Երուսաղեմ ուխտագնացության մասին պատմող դրվագը, որի ժամանակ ինքը ականատես է եղել Երուսաղեմի քրիստոնյա համայնքի կացության վրա նապոլեոն Բոնապարտի ճգնապահության արշավանքի ունեցած ծանր հետևանքներին։ Նրա հաղորդումները լիովին համընկնում են սկզբնաղբյուրներում պահպանված այլ նկարագրություններին²։ Հետաքրքիր է մասնավորապես

¹ Տե՛ս Մանր ժամանակագրություններ, կազմեց Վ. Հակոբյան, հ. Ա—Բ, Երևան, 1951, 1956։

² Երուսաղեմի Պետրոս պատրիարքը 1798 թ. նոյեմբերի 11-ին գրած նամակով տեղեկացնում էր Ղուկաս Կարնեցի կաթողիկոսին. «...ազգն գաղղիացուց մեծահանգևս նաուր բազմութեան յանկարծուստ իմն զԱղէքսանդր ծովեղր քաղաքն պաշարեալ, յորմէ զոտս իւր յնգիպտոս»

այն նշումը, թե Երուսաղեմում շրջափակված հայ ուխտավորներին Աբայի «Ջազար փաշան» շատ տիրաբերելն արաւ յաթոններն իւայ հայոց, մայիսի 24-էն սուրբ Երուսաղեմայ ելանք, ճամբայ եղաւ, Ջազար փաշան մարթ ղրկեց՝ հայոց յուխտաւոր տարաւ Յաքայ, սիրով ճանբեց, յուլիսի 30-ին տեղս հասանք»:

Ժամանակագրութեան ընդգրկած 31 տարւա (1779—1810 թթ.) ընթացքում էրզրումում, ըստ էնվեր Կոնուկչու կազմած ցանկի, պաշտոնավարել և պաշտոնանկ են արւել 32 փաշա:

Խաղաղուցեալ զմարդիս սրոյ ճարակ տալով խուռն ամբոխիւր իբր անհամար թուով ի փոքր միջոցի զայն ինքեան իսկապէս գրաւելոյ զկնի, շուրջ զնովաւ եղեալ զաւառսն սարսեալ դոզացոյց, ահ երկիւղի անողորմութեան նորին: Ահա այս ձայն հնչման նորին ոտից շարժման մինչ յամի 1247 (1799) յամսեանն յունիսի յաւուրս 28 եկեալ հասանէր յունկս ազարացի բնակչացն սրբոյ Երուսաղէմի, իսկոյն սոքա յամայնաժողով գումարմամբ ...զվանորայս առապուռ հարկանել զատամունս կրճտէին և զամենայն քրիստոնեայս ի սուր սուսերի մաշել, զյետինն ոչ թուլ ետ աստուած, բայց զառաջինն իրաւամբ կատարեցին, զի դիմեալ բազմութեանն ի վանս լատինացոց սուսերամերկ յարձակմամբ, զոչ սակաւ վնաս անդէն արարեալ զդրոնս խորտակելով, զինչս յափշտակելով, դեռնա ոչ շիջանէր հուր կատաղման նոցին, այլ խոստացեալ բռնացան ի կապանս և ի բանտս զվերիւս և զթերճիմանս յունաց և լատինացոց և զմեր թերճիմանս միայն արկանել, զորս զկնի արձակեալ զզէնս ի վանօրէից երկից ազգացս ևս խնդրեալ և ի ներս մտեալ որոնեալ և ոչ գտանելն նոցին յամօթի հարիւ և ի դրունս վանուց զինազգեստ սրիկայս կացուցանել, տակաւին ձեռք նոցին բարձրացեալ ի վերայ մեր, զմիաբանս երկից վանուցն ի սուրբ Յարութեան տաճարն իբր ի բանտի արդելեցին և այսպէս խաղաղութիւն թարգմանեալ քաղաքն Երուսաղէմ ի ներհակն միտեցաւ, զի տիւ և զդիշեր ձայն դուժի և լալոյ անպակաս իսպառ հատեալ էր քուն հանգստի յալաց ամենից, զի համայն քաղաքս ի ձայնէ դռման և հրացանի բողոք առ յերկինս առաքէր: Զայս օրինակ ոչ ինչ պակաս տեսելոյ զկնի քան զ(4) ամիսս էհաս առ մեզ ողորմութիւն աստուծոյ, զի արքունական հրաման հասեալ առ Ճէղար բաշայն, նորին երկիւղն որպէս զօժ թմրեցոյց զկատաղեալսն և ապա հանեցին զարդելեալսն ի սուրբ Հարութեան տաճարէն և ի կարգ առաջնոցն ժամանակաց փութացաք զկացութիւնս վանօրէից և մեր ուղղեալ, բայց զինչ օգուտ անտի, յորժամ վնասն կուտակեալ իցէ ի մեզ...» (Մաշտոցի անվան Մատենադարան, Կաթողիկոսական դիվան, թղթ. 258, վալ. 37, բնագիր): Ուշագրաւ է, որ, ինչպիսի այդ արձանագրւած է մի ձեռագիր Ճառն-տըրի լուսանցքում, Պատրիարքը նախապէս տեղեկացված է եղել իշխանութիւնների կողմից ձեռնարկված միջոցառման մասին. «Այսօր գիր մի եկն առ Սրբազանն ի Ստամբուլու, և մեք էաք ի պախճան, աւետաւու բան գրեալ էր տիրացու Սարգիս վէթին, թէ սեպտեմբերի սկիզբն, որ էր պատկեր աւուրն, նաւն ելանելոց աստի և մեք բախացաք և ասացաք. աստուած բարի ճանապարհ տայ, ասացաք» (Բարկէն Կիւլեսերեան, Յուցակ ձեռագրաց Անկիւրիոյ Կարմիր վանուց և շրջակայից, Անթիլիաս, 1957, էջ 17):

3 Ջազար փաշայի պատմութիւնը («Թարիխ Ահմեդ Պաշա՝ Ջազար») գրել է ծագումով հայ նիկուա աթ-Թուրքը (1763—1828), որը հեղինակել է նաև Եգիպտոսի «Ֆրանսիական զրավման պատմութիւնը»: Վերջինիս հրատարակութիւնները տե՛ս His oie de l'Expedit'ion des Franca s en Egypte par Nikola e'-Turk. publiee et traduite par Mr. Des-Granges aine, Paris, 1839. Nicolas Turc. Chronique d'Egypte, 1798—1804, ed. et trad. G. Wiet, Ca i.o, 1950. Ջազար փաշայի և Նիկուա աթ-Թուրքի մասին տե՛ս Ը. Ն. Վարդան, Լիբանանը 18-րդ դարի վերջին և 19-րդ դարի առաջին կեսին, Երևան, 1985, էջ 104—105:

4 Enver Konukçu, Se'culula dan cumhuriyetle Euzurum, Ankara 1992, s. 226, 251.

Դյուրացնելու համար ստորև հրատարակվող ժամանակագրութեան ուսումնասիրութիւնը, էնվեր Կոնուկչուի կազմած ցանկից առանձնացնում ենք 1779—1810 թթ. փաշաների ցանկը.

Հաջի Ալիփաշազադե Միկդադ—1779,
Դադատանցի Հաջի Ալի փաշա—1779,
Իբրահիմ փաշա—1780,
Իզզեթ Մեհմեդ փաշա—1780,
Մուստաֆա փաշա—1781,
Դանալի Մեհմեդ փաշա—1782,

Յուսուֆ Զիյա փաշա—1794,
Սեյիդ Ահմեդ փաշա—1797,
Ալա էդ-դին փաշա—1799
Բատալ Հյուսեյն փաշա—1800,
Աբդուրահման փաշա—1801,
Ալա էդ-դին փաշա—1802,

Տևր Հարությունի նկարագրություններից պարզվում է, որ բնավ էլ խաղաղ ճանապարհով չեն կատարվել պաշտոնականությունները: Դրանք հիմնականում ուղեկցվել են արյունալի ընդհարումներով: Այդ ընդհարումների ժամանակ, բնականաբար, մեծապես տուժել է խաղաղ բնակչությունը և միայն մեկ դեպքում է ժամանակագրության մեջ արձանագրված (1788 թ.), թե նորընտիր աղայի պաշտոնավարությունը (որը մեկ տարուց էլ պակաս տևեց) ճշայոց ազդին լաւ էր:

Այս ժամանակագրության մեջ գրանցված որոշ փաստերից կարելի է կատարել նաև այն հետևություններ, թե էրզրումի նահանգի հայ բնակչությունը ամբողջությամբ չէ, որ գտնվում էր լիակատար անպաշտպան ու անզոր վիճակում, կային առանձին վայրեր, գյուղախմբեր, որոնք կարողանում էին ինքնապաշտպանությամբ դիմագրավել իրենց ներքին գործերին օսմանյաս միջամտություններից: Ավելին, պարզվում է, նրանք որոշ չափով դուրս էին օսմանյան վերահսկողությունից և իրենց մեջ ասպատան էին տալիս անգամ օսմանյան իշխանությունների հետապնդումներից խույս տվող թուրք գործիչներին ևս: Այսպես, տևր Հարությունը հաղորդում է, որ 1805 թ. արքունական հրամանով էրզրումի նոր նշանակված փաշան փորձում է հաշվհարդար տեսնել անհնազանդ Սահմուտ փաշայի հետ, սակայն «տարապակին մեկն զնաց ծածուկ Սահմուտ փաշին՝ քեզի չըսպանըն պիտի, պապըտ, հայրըտ փախան հայոց մեջն, յետոյ ևլան, զուն ևս զնայ: նայ ևս զնաց հային մեջըն»:

Սեզ քիչ րան է հայտնի XVIII դարի վերջին քառորդին Հայաստանում օսմանյան իշխանությունների անօրինությունների դեմ հայ բնակչության մղած պայքարի մասին: Ուստի մեծ արժեք ունի նաև այն հաղորդումը, որ պահպանվել է այս ժամանակագրության մեջ: Այստեղ աստիճանով է Լորենկացի Մրթոյի (Մարտիրոս անվան տարբերակը) անհատ պայքարի մասին, որի գլխի համար 1793 թ. փետրվարի 16-ին սուլթանական Ֆերման էր եկել: Ի կասարումն ստացված ֆերմանի, էրզրումի փաշան, ինչպես պատմում է տևր Հարությունը, «քեհին հետ շատ յասկար զրկեց Թէրճու (Դերջանի) Մուղտատ բակին, զնացին զուղն կօխեցին»⁵: Մրթոն, սակայն, կարողանում է խույս տալ (քնադրում՝ փախել) և դինակիցների հետ ամրանալ ամրոց-աշտարակում: Օսմանյան զորքերի ներկայացուցիչը՝ «ղափուջի պաշին» Մրթոյի հետ փորձում է րանակցություններով ու կաշառքով լուծել հարցերը և նրան առաջարկվում է հինգ հարյուր քիսալ թուրքական զրամ: Տևր Հարությունի համառոտ գրանցումով, Մրթոն «շի լինիլ՝ ասաց, (թուրքերը) զնացին տեղերին» (իմա ելման դիրքերը): Մեկամսյա պաշարումից հետո, այնուամենայնիվ, թուրքերին հաջողվում է քրդերի միջոցով, որոնց հայերը հավանաբար վստահել էին, խորամանկությամբ տիրել ամրոցին՝ «Յիսուն բուրթ տերեց (դրեց) վերի քարեն Մուղտատ բակըն, քրթին հետ մուշավարայ էրաւ, յերիշ էրին՝ զուլան ադին, հինք մարդ սպանեցին, Մրթոն ևղբարն տղաքն սպանեցին, մինչ ի յընտանիքն մերկացուցին, շատ յըռըսվայութին արին, մարտի 15-ին զլըբխներն բերին»: Տևր Հարությունի այս արձանագրած փաստը մեզ հայտնի առաջին հիշատակությունն է օսմանյան իշխանությունների կողմից քրդերին հայ ազատագրական պայքարի դեմ օգտագործելու մասին:

Ժամանակագրությունը այլևայլ բնույթի վավերագրերի հետ մեկ ընդհանուր կազմի մեջ կարված պահպանվել է Լազարյանների արխիվում (տե՛ս Մաշտոցի անվան Մատենադարան, Լազ. արխիվ թղթ. 114, գործ 49, վավ 55, թերթեր 160—172, բնագիր): Այն հրատարակվում է բնագրին հարադատ, առանց միօրինակության բերելու տարբեր ուղղագրությամբ ներկա-

Վանեցի Թիմուր փաշա—1783,
Մեհմեդ փաշա—1783,
Սուլեյման փաշա—1783,
Ջանիկցի Հաջի Ալի փաշա—1783,
Բատալ Հյուսեին փաշա—1784,
Մուստաֆա փաշա—1786,
Սեյիդ Ահմեդ փաշա—1787,
Արդուլլահ փաշա—1789,
Ֆելյի Սուլեյման փաշա—1790,
Սելիդ Ահմեդ փաշա—1791,

Օսման փաշա—1803
Մահմուդ Բայյար փաշա—1804,
Հաջի Յուսուֆ Զիյա փաշա—1805
Հակի փաշա—1805,
Կամախեցի Հաջի Օսման փաշա—1807,
Բոսնիացի Աբդի փաշա—1808,
Շերիֆ փաշա—1809,
Հալիլ Համիդ փաշա—1809,
Մեհմեդ Բեհրամ փաշա—1809,
Իբրահիմ փաշա—1810,
Էրզրումցի Մեհմեդ էմին փաշա—1811,

5 Իմա՝ գլուղը շրջապատեցին:

6 Կազմի վրա մատիտով ուսերեն գրված է. «Սուրենյանցի գրագրանից»:

յացված բառերը, ժամանակագրության լեզուն խրթին է՝ թուրքերեն բառերի առատ օգտագործումով, ուղղագրությունը՝ անկանոն, հայոց մեծ թվականը գրված է արաբատառ գրչությամբ, չկան կետադրական նշաններ, կետադրությունը նշանակված է մեր կողմից, թուրքերեն բառերի թարգմանությունը, որը բերվում է հրապարակմանը կցված բառարանում, կատարվել է Մ. Կ. Ջուլալյանի սիրահոմար օգնությամբ, որի համար հայտնում ենք մեր խորին շնորհակալությունը:

Պ. Ա. ՉՈՐԱՆՅԱՆ

* *

160ա || Թվին 1228 (1779) Հաճի Ալի փաշա[յ]ին տղան Մուղտադ փաշան սարայըն 24 սահաթ թօփեցին, Ֆա[յա]տօղլեն հալիլ փաշան՝ յերկօթղոր, քաղքես եսեր, նայ ևս շուգեցին, յերկուքն ալ վեռընտեցին, յետոյ ֆարման եկաւ, թե՛ փաշան ղալայ բիտի անըկ, Բասենու յասկարն հոս էր, տեղուս յասկարին հետ յանկան յետէվեն, չը կարացին բռնել:

Թվին 1228 (1779) փետրվարի 8-ին՝ յուրբաթ գիշեր լուսի շափաթ հաւախօսին ճզմայճի Մանասն, որ փոխեցաւ առ Քրիստոյս:

Թվին 1228-ն (1779) մայիսի 20-ն վաղիրլար քահայսի Իպրահամ փաշան սընկառ իշու գուղն տաւաթեն, յանտից քօռ Մուֆտին անտից սուրկուկ արաւ գիտութեամբ հալիլ փաշային:

Թվին 1228-ն (1779) սեկտեմբերի 20-ին լուսայհոգի ճզմաճի Մանասի յորդի Յարութին հարսանիքն:

Թվին 1230 (1781)-ին Իպրահամ փաշին տղան՝ Մուստաֆայ փաշան, խոր մուսալիմըն Ֆայատօղլի հալիլ փաշին սարային մէջն քահային յօտան ղուրղուշունով զարկին՝ փարաւամիշ էրին: Ղատայ ղուրղուշուն զիպաւ գօմ-րուկջուն Ղահրիհման բակին, բակըն պաղեցաւ, քօռ Մուֆտե գիտութեամբն, ասին՝ թե ֆարմանլի է, մալըն զաֆտ արին միրին:

Թվին 1231-ին (1782) նույեմբերի 25-ն Տանաճի Մահամատ փաշան այստից սուրկուն էրին:

Թվին 1232-ին (1783) յունվարի 13-ին Դամուր փաշան Մուֆտ օղլին վախտաղասի էր, իւր ձեռամբն սարայըն խեխտեց, խանուդ պազար կօղպեցին, իրեկ յենկիշարի կըռվին մէջուն յը սպանիցին,

Թվին 1233-ին (1784) մարտի 2-ն տեր Յարութինի յօրհնըվիլն ձեռամբ Փերթումեան յաղայ Պետրոս աստուածիմաստ վարդապետն:

Թվին 1233-ն (1784) յուլիսի 7-ին վարդապառի շափաթ երեկոյին սահաթըն 2-ին շարժ ելաւ, միյուս գիշերն սուրբ Կարապետն (թ. 160բ) բըլաւ, ճրգիսկան անցաւ, քաղքիս փաշան զօրօք պատմիշ էղաւ:

Թվին 1234-ին (1785) յունիսի 12-ն հաճի Ալի փաշան մեռաւ:

Թվին 1235-ին (1786) փետրվարի 6-ին աստուած մեզի էքիզ մանչ պարբեւեց, Սարքիս, նիկողոս անվանեցին, որ աստուած յերկար կենոք պահէ:

Թվին 1237-ն (1788) փետրվարի 22-ին Ղայային տղան աղայ էրին, յեթմիշ տօխուզն շարթ ըրին, շուգեցին, քսան յը հինգըն կուզէին, կովեցան, թուքան-պաղար կողբեցին, աղային տունըն կոխեցին, մալն եաղմայ էրին, աղան փախաւ՝ Իբրահամ փաշին հարամն ընկաւ, վեց մարդ ըսպանըցին, յետոյ աղայ եղաւ, հայոց յաղգին լաւ էր:

Այսմ թվոճս ահակին կարկուտ էրաւ, մէկ հատեն 200 գրամ, յունիսի 11-ին, վնաս չեղաւ:

Թվին 1238 (1789) յապրիլի 15-ին նոր կիրակին շատ նեղն էին՝ պայ-րախ բանահին պիտի, անկարծակի ձայնըմ ելաւ, թէ սուլթան Համիթն իճեցուցին, յոմանք ասին, թե զահիրլամիշ արին, սուլթան Սէլիմըն նըստաւ:

Թվին 1238-ին (1789) մայիսի 23-ին շարժ էլաւ, Բալու անցաւ:

Այսմ թվոցս յունիսի 1-ին Կանայ գիւղէն յանորըն ալլ ազգեմէն, քրիստոնէի հինգ տարեկան տղամ յապականեց, գեղով կանքըցան՝ չի կաարցան, յետոյ Իպրահամ փաշային հարամըն սալին հեծաւ գնաց սարաին գաղանըն խըխտել տվեց:

Թվին 1238-ին (1789) Բաբերթ մուֆտին շարսուն մուֆտին ղուրդուշունով ղարկին յըսպանեցին, յետոյ շարսուն խան ըրին, ջամին էրէցին, մեկ հայ ըսպանըցին, շատ ղազայ էրին:

Թվին 1238-ին Սարի քայհան գեկտեմբերի 16-ին քաղաքացիկ ուֆարէն էկան, ալայով (թ. 161ա) ներս բերեց, միւս օրըն՝ երկու շափթի, սահաթըն 8-ին Թարվեղու դուռն յերիշ էրին՝ չը կարցին, կռակ ցըկին, Սալէհ պայրախտարն, Զին օղլին, շատ մարգ սպանեցին, ղընէրեն քակեցին, մալերը եաղմայ յէրին, միւս գոսպաներեն փախան:

Թվին 1239-ին (1790) մայիսի 13-ին յէշակչուն ախբար յԱհմատ աղան հաճի Յուսուֆ օղլին քաղքիս գոսպաներն 300 մարդով էկան Հասանղալայ, Եաղան օղլին տարան շարթ էրին, թէ մահ է կեանք մէկտեղ, Սարի քահան 3 թօք շատ յասկար ղրկեց, 18 օր նըստան, շափաթ յառափօտըն յերիշ էրին բերթին վըրան՝ պօղուլմիշ էղան, բասենցիք գնացին բերթն լըցվան՝ յԱհմատ աղան ըսաց. յերիշ անեմք մինչ ի քաղաք կօխենք, Եաղան օղլին ղայիլ շեղաւ, հաճի Յուսուֆ օղլէ հետ մուշավարայ էրաւ Յաղան օղլին, թէ՛ ես փաշին հետ լաւ եմ, քեղի պրծըցենեմ, Ահմատ աղային գըլտին ղըրկեք՝ քոյ ետ լախրթ բըրլ տամ՝ տունըդ նստիր: Յահմատ աղան իմացաւ՝ Յափաթին օրն հեծաւ՝ մեք քաղքի գոսպաներուն հետ գեֆերած երկուսին ալ ձեզի գլի, ինձի ինչ գլի, տունես էրեցին, մալըս յեաղմայ էրին, կին շիւնիմ, տղայ շունիմ, յեկան գընացին հաճի Յուսուֆ օղլին:

Նայեցաւ, օր մէկնակ մնաց տանն եղբարքն, քանի մ մարդով գնաց Յալիկու բերթըն նըստաւ: Եաղան օղլին եկաւ թուվանքձի պաշն քով, փաշան պուռնութի ղրկեց, Եաղան օղլն գլուխն կտրեցին, մալն եաղմայ էրին, Բասէն շատ լաւեր(ե)ցին:

Թվին 1239-ին (1790) յունիսի 12-ին վանքն մեկ մարգ սպանեցին: 1000 ղուռուշ տվին, թէ յարուք, թէ իզին առին, որ յառաջնորդարան հիմանըն շինելու է:

161բ || Սոյն թվոցս յունիսի 10-ին յեշակճուն եղբորն՝ Ահմատ աղուն, ղարսցիք Զանքի գուղըն բռնել էին, Սարի քահանային գրեցին, փաշան գըլտին յուղեց, յունիսի 24 ղլուխըն բերին, մըրղախըն ղարկին՝ սարայըն կայնեցուցին:

Սոյն թվոցս յունիսի 16-ին 2 տերտեր ծեխի [իմա՝ ծխի] պատջառաւ հափըս արաւ փաշան, ԶԺ (600) ղուռուշ ջառմայ տվին իշխանաց, յընկան քաղաքով, ըսին՝ թէ Զ—Մ (100—200) ղուռուշն հասարակ քահանաքըդ տվէք, չի տվին, իշխանք պատարաքն վերուցին, շափաթ, գիրակի, շօրեքշափթի պատարաք անել տվին:

Թվին ՈՄԽ (1791) յուլիսի 29-ին մոմջի Ղուկասին աստուած դուստր մի պարգենեց, մեղաւորս տէր Յարութինս կընկահար [կնքահայր] էղայ, Հօոմսիմայ անվանեցինք:

Թվին 1240-ին (1791) յԱրդուրում սըղութին եղեւ, սօմառն 32 ղուռուշ ցօրեան կու տային:

Թվին 1242-ին (1793) փետրվարի 16-ին յէրդինկանցի Մըրթօյին գլխուն ֆարման եկաւ: Փաշան քէհին հետ շատ յասկեար ղրկեց Թէրճնու Մուղտատ ըակին, գընացին գուղն կօխեցին, փախաւ՝ ղուլան էլաւ, ղափուջի պաշին կանչեց պուռունըն, Մըթօն շատ իրիճայ արաւ, հինգ հարիւր քիսայ փարայ խօստացաւ, չի լինի՝ ասաց, գընացին տեղերին:

Յիսուն քուրթ տերեց վերի քարըն Մուղտատ բակըն, քրթին հետ մուշավարայ էրաւ, յերիշ էրին՝ ղուլան առին, հինք մարգ սպանըցին, Մըրթօն եղբարն տղաքն սպանըցին, մինչ ի յընտանիքն մերկացուցին, շատ յըռըսվաթիւթիւ արին, մարտի 15-ին գըլխըններն բերին:

Թվին 1242-ին (1793) սուլթան Սէլիմըն ֆարման ղրկեց, բետիաթ քաներու խանթներն փակեցին, 3 օր սարայըն քարեցին, յինկիչար աղասին ծեծեցին, գոմրուկն քարեցին, պաթալ էրին մարտի 10-ին:

162ա || Թվին 1244-ին (1795) օգոստոսի 10-ին մենք տնօվ սուրբ Կարապետ յուխտիւ յըրկերպադութին գրնացինք:

Թվին 1244-ին (1795) յաղպիուի Յակոբ վարդապետն յառաջնորդ էր Կարնոյ քաղաքիս սուրբ Կարապետու, յիւր կողմանն վաքիլ էր կարգեր յԱլիքսան վարդապետն, յեւա յառաջնորդն տասը քաջից իմացաւ, սուրկուն ֆարման հանեց, քաղաքն բոլորն թօփ եղան՝ չր կարցան պրծըցընել, մակ յան խառնըն Յանխասըն շահար վաքիլ էր, հետն տրին՝ յարզօվ մինչ ի յայլ ազդաց գրօվն տարան սուրբ Կարապետ, Յանխասն մահտեսի Յօհաննեսն եկաւ, յԱլեքսան վարդապետին մնաց:

Թվին 1244-ին (1795) յօգոստոսի 25-ին Յուսուֆ փաշան յուզեց քօռ մուֆտուն, տղան՝ յԱպտուրահման մուֆտին, գնաց յԵրզնիկան, յանկեց սուրկուն էրաւ մեծըն Պոլիս, յետոյ փաշան շատ զիննաթօվ քաղաք մտաւ:

Այսմ թվոճս սեկտեմբերի 18-ին⁸ հատումշահըն⁹ Թիֆլիզ առաւ, քաղաքըն աչրեց, գ(ե)րի արաւ¹⁰:

Թվին 1244-ին (1795) դեկտեմբերի 20-ին Շահուէինին տղան Մելիքան¹¹ զարկեց, Յուսուֆ փաշան թալին երաւ, Քօլօսին տղան Վալի փաշան Թերջենու քըթին մեկ կիւղն զարկեց, լազկիյ ասկար յանիր յըսիր արին՝ բերին յօղլուշախն ծախեցին:

Թվին 1245-ին (1796) յունվարի 4-ին¹² հատում շահին յելլին եկաւ, Յուսուֆ փաշան սարասկար էր, յենկիչարիք ղուշաթմիշ էրաւ, փաշան յալայով¹³ 4 թօփօվ գնաց Գումուշլի գումպեթըն յօրտի ղուռմիշ արաւ, յելլին յալայօվ ներս բերեց, յելլուն մէկ մարթըն սպանեցին՝ ղուրղուշուն դիպաւ:

Այսմ թվոճս փետրվարի 5-ին սաստիկ սել էյաւ Կարին:

Այսմ թվոճս մայիսի 8-ին գիշերըն սահաթըն 7-ին յաղևղ ելաւ յարեւելքն:

162բ || Այսմ թվոճս օգոստոսի 15-ին յնփրիկեան Մովսէս աղանեց, Մսըրլեան Մկրտիչ աղանեց հետ տէր Յարութինս սուրբ Կարապետ գնացինք:

Թվին 1246-ին (1797) մայիսի 1-ին կանայք Յուսուֆ փաշին յարզուլ տվին, թէ բամպաք չրկայ, հացըն սուխը՝ ցօրընըն պահել են: Փաշան բարկացաւ, 14 գին տէրտերի տուն հափս էրաւ: Յուսուֆ դարցաց կին մի զարարն տրեց յարերն հափսե դրեց, ցորեն պահօղներն փախան, ցորեն զաֆտ էրաւ՝ սոմառն հինգ ղուրուշ ծախեց, իրեկ կին ղըրկեց մահալկաման [դատարան], յերկանըն շալակըն դրեց, ծեծեց, ամեն ալ վեր թօղեց, փարայ շառաւ:

Այսմ թվոճս Յուսուֆ փաշան քօռ Ալին դալի պաշի էր: Թալին արաւ, շատ ասկեարով, թօփով փետրվարի 15-ին Հաճի Ալի տղին բերթին վրայ փաթտեցին նստան, յունիսի 20-ին խափեյութէնով դուրս փերին, քալան կտրեցին:

Թվին 1246-ին (1797) յաղպիուի Յակոբ վարդապետն սուրբ Կարապետն միաբան Կըլ կըլ Յօհաննես վարդապետն, Մինաս վարդապետն սուրկուն արաւ: Յուսուֆ փաշին սառաֆըն Ղարահիսար ձեռացներեն առաւ, ժամանակ ինչ քօվեն պահեց, յետոյ յէջմիաթին ղրկեց:

Այսմ թվոճս աղպիուղըն յավրանցի Յօհաննես վարդապետն Ղազար վարդապետն սուրկուն արաւ Վան:

8 Ծիշտը՝ սեպտեմբերի 12-ին:

9 Իմա՝ Աղա Մահմատ խանը:

10 Բնագրում՝ ատաւ:

11 Հայկական գյուղ՝ Քըղիի գավառում:

12 Ձեռագրում հստակ չէ, գուցե 9-ին:

13 Իմա՝ ալայով:

Թվին 1247-ին (1798) յապրիլի 8-ին տէր Յարութին աստուած կամեղաւ, տեղեւ ելայ սուրբ Յերուսաղէմ յուխտիւ յերկրպակուծին գնացի, մեծն Պոլիս հասալ, Ֆռանկղըզըն Պօնոպօնթօն Մըսըր առաւ մայիսի 30-ին, սեկտեմբերի 7-ին յաջողմամբն աստուծոյ սուրբ Յերուսաղէմ հասանք, յոր միաբանքն սուրբ Յարութեան մեջն հապս արել էին այլազգիքն, տուտն շէին բանայ, հրեշտակաց տօնախմբութեան օրեն դուռն բացվաւ, որ երթաինք սուրբ Յարութին, երթաիք շատ նեղութիւն քաշէինք, շատ փարայ տվին, երեք յաթոռն վերստին, թէ յեռլին յուխտաւոր որքան այր մարթ կար, բոլորն տարան սուրբ Յարութին հապզ արին, յայլազգիքն պատուհանէն (163ա) դուրդուռնով մէկ հայի, մեկ ուռմի¹⁴ զարկին՝ մեռան, մինչ ի Այքայ առնել հիւանդութիւն կար, իրենք քեֆօվն դարդան գնացին Մէսրի, էրկու թոփ յԱքայ թողէլ էին, Ջազար փաշան շատ տիրութիւն արաւ, յաթոռներն իլայ հայոց մայիսի 24-էն սուրբ Յերուսաղէմայ ելանք, ճամբայ եղաւ, հազար փաշան մարթ զրկեց՝ հայոց յուխտաւոր տարաւ Յաքայ, սիրով ճանբեց, յուլիսի 30-ին տեղս հասանք:

1248-ին (1799) մարտի 5-ին Ջաքարիայ պատրիարքն վաղճանեցաւ, Դանէլ պատրիարք արին:

Թվին 1247-ին (1798) դեկտեմբերի 21-ին Ղուկաս կաթողիկոսն վաղճանեցաւ, Դաւիթ վարդապետն էջմիածնայ յարգովն գնաց մեծն Պօլիս:

1250-ին (1801) մարտի 9-ին Յովսէփ վարդապետն¹⁵ Թիֆլիզ վաղճանեցաւ, յաթոռն չէ հասաւ, վերեստին արզ արին Դանէլն կաթողիկոսութիւն խնդրեցին, Թորոթ յառաջնորդ էր, պոլսեցիք գրեցին Դանէլին, թէ՛ մանգիլով երթաս, նայ ելաւ գնաց մատանըն մօհուր սահապն սառաֆն Փիլիպոս ամիրային տեսութիւն, յուշացաւ, սուրբ յԱթոռն քրթմշումն եղև, Դաւիթ վարդապետն բարկադաւ, իրանին խօսոքն կարնեցի էփրիկեան հաճի Պապին, մահտեսի Ասլանին, դաճար¹⁶ վաքիլի, Յանիսուն մահտեսի Յօհանէսին դիտութեամբն Դսիթին կաթողիկոս յօժեցին, յարզ արին, Սիմոն վարդապետն քաղաքներն արդէն մահալով գնաց մեծն Պոլիս Ֆարման բերեց, յիշատակել տվին: Դանէլ (163բ) վարդապետն Պաեաղիդ մնաց, կաթողիկոսն երեք մեծ վարդապետ զրկեց Պաեաղիթ, գրեց Դանէլ պատրիարքին. այսուհետև անունն իմա լինի, խոսքն քոյ լինի, դուն՝ ինձի մեծ եղբար, միատեղ շահվինք, չէ գնաց, յետոյ եկաւ աստ, քաղաքով դեմ գնացին՝ բերին խուցն նստեցուցին, հաճի Պապան Ախլիսալ է, քաղաքն երկու թարաւ, [թարաֆ-կողմ] եղան, թոփալ Յակոբ աղան իշխաններով Դանէլի կողմն էր, այդմ ժամանակին տեղուս փաշայ քոռ Մուֆտին տղան մուֆտի էր, թօփալ Յակոբն, աղաներն մահտեսի Ալահվերտէ տղաքն էին, Պոլիս նէստէին, նոցին ձեռամբն էրէք թուզ(թ) բէրին փաշային սիրտութեամբն, Դաւիթի յանունըն վերուցին, յետոյ տարան ձիւով, բազմութեամբն, դաւազներն՝ յառաջն, խալֆայ տէ ի փաշայն ֆարաճա հոգուց, յաֆանտոց ղոնաղըն տարան տեսութիւն քահանայութիւն իշխանօք, յետոյ սուն փաշան, վարդապետներն, տէրտէրներն, իշխաններն տարաւ հասլս արսւ, թէ տաճիկներն զրկեք ձեր խալֆան հալեցէնէ, խղճալի հայոցմէնէն 120 քեսալ փարայ առաւ, Յօհանէս պատրիարքն հանեցին, Գրիգորն պատրիարք արին, Դանէլն զրկեցին Ղոշավանք, հօն կաթողիկոս օժեցին, մեռոն եփեցին, այլ աղքերն իւշքիլիսայ կասէն սուն վանքին, յարքունական հրաման բերին յանունըն յիշատակեցին, յետոյ բռնութեամբ տարան յաթոռն, Գրիգոր պատրիարքն եւ սուրկուն արին յաթոռն, Յօհանէս պատրիարքն վերստին պատրիարք արին, Դաւիթին անունըն յիշեցին, Դանէլն ժամ արաւ, գնաց վէհարանէն դատաստան խնդրեց, միաբաններն մեծ և փոքր ամենքն թոփ արին, նոցայ մեկեն գիր մի գրեց, թէ աշայ

¹⁴ Իմա՝ հուլն:

¹⁵ Հովսէփ կաթ. Արղունթյան (1743—1801):

¹⁶ Կամ՝ շաճար:

ժամարար եմ, ահայ ձեռագիր տամ (164ա) երդմամբ, դուք ևս վկայ լինիք, որ կաթողիկոսութիւն չեմ ցանկայ, յետին միաբան եմ այսոյհետեւ: Դաւիթ կաթողիկոս շատ սիրեց, իւր սեղանակից արաւ, Գրիգոր պատրարքն բանդըն դրեց, յետոյ Դանելն տարաւ էրէվան: Շարիֆ փաշան փախել էր, Վան զնացել էր, խորհուրդ արին, թէ ինձ կաթողիկոս արայ, ես Շարիֆ փաշան ռուսաց խօսոքն Ախլցխայ նստեցրեմ: Գրիգոր պատրարքն տարան Երէվան, նայ ևս ասաց, ես երթամ այտ կատարեմ: Խանէն մարթ ղրկեց յաթոռն, մինչ ի յետին տեղն մօհրեց, Դաւիթն կապանօք տարաւ մէլիքին տունըն գողտուտ-սաղի արաւ: Գրիգոր վարդապետն, Ներսէս վարդապետն ղրկեցին Թիֆլիզ: Դանելն յանապատն նստեցուցին՝ մինչ ի խապարն գայ: Թիֆլիզ գրեցին՝ Շարիֆ փաշայն բանըն շի լինիր, խանըն բարկացաւ՝ Դանելն հապս արաւ՝ քեզի ես [ս]պանեմ, ինձի խաբեցին, անոնք փախուցիր, Դաւիթին իզին արաւ զնացն յաթոռն, հապս արաւ, յետոյ գիր մի բռնեց, միրուքն թրաշար արաւ, մինչ շահն եկաւ Թիֆլիզու վրայ պօղլումիշ եղաւ, Դանելն հինքն կապանօք տարաւ մինչ ի Թավրեզ, Յօհանէս աղան ձեռացն առաւ, յետոյ շահըն Թավ-րեզու խանին գրեց, թէ սպանես, հայերն շատ իրիճայ արին, փարայ տվին ղրկեցին Մարախ խանին տունըն հապս արին, Դանել անուն յիշելն եասսաղ արին, շահըն գիտեր թէ սպանեցին:

164բ || Թվին 1250-ին (1801) մուֆտի Հաճի Հապգուրահման փաշան Քօլօսի տղին Վալի փաշին սարային մէճն յրսպանեցին դաքօվ, մալն զաֆտ արաւ:

1250-ին (1801) հօկտեմբերի 10-ին յօրն հինգշաբաթի աստուած մեզի մէկ դուստր պարքեւեց՝ Սրբուհին անվանեցինք, որ աստուած ե[ր]կար կե-նոք պահե:

(Շաիրումակելի)